

Kalaallit Nunaanni Namminersorlutik Oqartussanit uuma akuerineqarnissaa pillugu Inatsisartut aalajangiiffigisassaattut siunnersuut: Nunani allamiut pillugit inatsisip allannguutaa pillugu inatsisip assigiinngitsut ilaannik Kalaallit Nunaannut atuutilersitsineq pillugu peqqussummut siunnersuut (Kalaallit Nunaanni najugaqarsinnaanermut suliat suliarineqarnerinut akiliut pillugu malittarisassanik atulersitsineq, sivisunerusumik najugaqarsinnaanermut visumimik atuutilersitsineq, Schengeninformationssystem (SIS)-mik atuneq, killeqarfinnik avasinnerusunik il.il. nakkutilliinerup sunniuteqarluarnissaanik pitsanngorsaaneq siunertaralugu Schengenimut malittarisassanik naammassisaqarneq siunertaralugit, nunamut isertitsinnaatitaannginneq pillugu aalajangiinermut aamma nunamiit aallarnissamut piffissaliussat pillugit malittarisassanik allannguneq)

(Isumaginninnermut, Suliffeqarnermut, Ilaqutariinnut Nunamullu Namminermut Naalakkersuisoq)

Saqqummiussinnermut allakkiaq

(Isumaginninnermut, Suliffeqarnermut, Ilaqutariinnut Nunamullu Namminermut Naalakkersuisoq)

Aappassaaneerpeqarnera

Naalakkersuisut sinnerlugit Inatsisinut Ataatsimiititaliaq qujassuteqarfigerusuppara ataatsimiititaliap isumaliutissiissutaanut sukumiisumut, tassani ataatsimiititaliap isumaqatigiittup siunnersuut akuersissutigineqassasoq inassutigalugu. Inatsisinut Ataatsimiititaliap aammattaaq Naalakkersuisut kaammattorpai Inatsisartut atuutsitsilernermut atatillugu ingerlasoq pillugu ilisimatinneqartassasut.

Taamatut naatsumik oqaaseqarlunga siunnersuut Inatsisartut akuersaarluarlutik suliarissagaat naatsorsuutigalugu tunniuppara.